

Mahisa tsghatá lwa Pwal ɲa la 2 La Tesalunik

Ga zgu

¹ I'i Pwal, kawadaga nda i Silas nda Timute, ta vinda na delewer na ɲa kaghuni Igliza Lazglafta ma luwa Tesalunik, kaghuni ta nzakway ka ɲa Da mu Lazglafta, nda Mghama mu Yesu Kristi ya.

² Ka nza zɔakatahuɗi nda zɔakwa i Da mu Lazglafta nda Yesu Kristi ta ghɛɲa kaghuni.

Dza'a sasa Yesu da tsa guma

³ Zwanama ɗa, haɗ ɲni ta zlanɗa rfanaghatá Lazglafta ta ghɛɲa kaghuni wa. Nda nza tsaya tɗukwa, kabga ta dza'a ta kɛma ta kɛma zlg hay nda ɲuɗufa ghuni, nda ɗvu ta dza'a ta kɛma ta kɛma ta magɛ inda kaghuni ɲa sanlaha ya.

⁴ Tsaya ta kɛl ɲni ka ghubakwa ɲni ta ghɛɲa kaghuni da sanlaha ma Igliza Lazglafta. Kaghuni ná, ɲanaɲa kuni ta zlg hay nda ɲuɗuf, ka su'a ghuya ɗaɲwa nda giri ta gɛ lu ɲa ghuni.

⁵ Tsa ghuya ɗaɲwa ya ta maray kazlay: Tuɗukwa guma Lazglafta kɛ'a, ɲa klaftani ta kaghuni ka gwal nda ra ɲa da ga mghama Lazglafta, ya ta ghuyɛ kuni ta ɗaɲwa ta ghɛɲani ya.

⁶ Skwi tɗukwa dza'a magata Lazglafta, na tsa ghuyanaptá ɗaɲwa dza'a ghuyanapta tsi ta tsa gwal ta ghuyaghunaptá ɗaɲwa ya guli.

⁷ Ma zlagapta dza'a zlagapta Mgham Yesu Kristi ná, dza'a vlaghunavla ta mbi'a vgha ta kaghuni ta ghuytá ɗaɲwa ya, nda aɲni tani. Ta luwa dza'a saha

tsi kawadaga nda duhwalha Lazglafta gwal nda mbra ya.

⁸ Ma takataka vu ta zlgħaku dza'a saha həŋ ɲa ghuzlanaptá iri ta gwal kul snan̄tá Lazglafta*, ta kwalaghutá snatá Lfida Gwada Mghama mu Yesu Kristi ya.

⁹ Tsa ghuzla iri dza'a ghuzlanapta lu ta həŋ ya ná, tsaya zadanatá həŋ dza'a zadanata lu di'in̄ nda wa ira Mgham Yesu, nda glakwa mbrakwani† tani.

¹⁰ Ma sahani dza'a magakwa tsaya, ɲa zləzlvay inda gwal ta zlgħafta, ɲa ndərmimay inda tan̄ nda ndərmima. Tekw kaghuni mataba tan̄, kabga zlgħafzlgħa kaghuni guli ta gwada ya mnaghuna ɲni.

¹¹ Tsaya ta kəl ɲni ka gdata ta maga du'a da Lazglafta ta ghəŋa ghuni, kada nzata kuni ka guram nda skwi ya hgaf tsi ta kaghuni, ka zlgħaftá kuni ya. Ka katá tsi ta kaghuni nda mbrakwani, ɲa magay ghuni ta skwi dīnadīna, nda ya ɲa yifanaf-tani ta zlgħay nda ɲudufa ghuni.

¹² Mantsa ya tama, dza'a mutsay hga Mghama mu Yesu Kristi ta glaku nda ma kaghuni, ɲa vlaghunatani guli ta glaku. Nda nza tsaya ka zdakatahuda Lazglafta mu nda Mghama mu Yesu Kristi.

2

Skwi dza'a magaku ta saha Yesu

¹ Zwanama dá*, ta kumay ɲni ta mnaghunatá gwada ta fitika sagha dza'a sagha Mghama mu

* **1:8** Grawa nda Isaya 66:15. † **1:9** Gray nda Isaya 2:10, 19, 21.

* **2:1** Gray nda 1 Tesalunik 4:15-17.

Yesu Kristi, nda gwaḍa ta fitika tskavata dza'a tskavata mu ta kəmani ya. Wya skwi ta ndəbu ŋni ta dzvu da kaghuni:

² Ka mamu mndu ta mnaghunata kazlay: Saghasa fitika sagha Mgham Yesu kə'a, yaha kuni da zləŋ ka ghuya ghəŋa ghuni. Dər má la anabi tsi, dər má snaŋ nda sna a kuni ta gwaḍay, dər i'i a ta vindaghunafta ká lu má mnaghunata.

³ Yahayaha mndu da nanaftá kaghuni dər nda wati ma tsakalawi. Gi baŋalaŋ a dza'a sagha tsa fitik ya wa. Makəḍ tsaya ná, nda ndəgha gwal dza'a gaftá sidi nda Lazglafta, ŋa saba tsa ghwaḍaka mndu ya dəḍay ta daḍi. Tsatsi mndu ta nzakway ka ghuma.

⁴ Dza'a sli'avafslia ta ghəŋa inda skwi nda ghuḅa, nda ya ta ghəŋa inda skwi ta tsəlbu lu ta tsəlbu ta kəmani. Ŋa nzamtani ma həga Lazglafta, ŋa mnayni kazlay: I'i Lazglafta† kə'a.

⁵ Mnaghunamna yu ta inda tsa skwiha ya ma fitika nzakwa ḍa da kaghuni. Zaghunapza ra?

⁶ Ndanana ná, nda sna kuni ta skwi ta ŋaghutá tsa ghwaḍak ya. Ka saghasa tsa fitikani ya ná, dza'a zlagapzlaga.

⁷ Aŋ mndani, nda ghada ta magakumagaku slnahani. Ma tsanaŋta tsa mndu ta ŋaghuta ya ta tvi dza'azlay ná, kḍekkḍek a dza'a maga tsi ta slnani wa.

⁸ Dza'a sabsa ta daḍi. Ma sagha dza'a sagha‡ Mghama mu Yesu ma glakwani, ŋa zaḍanatani nda hafu dza'a vuslagapta tsi ma wani.

⁹ Nda mbrakwa halaway dza'a saba tsa

† 2:4 Gray nda Daniyel 11:36, Izekiyel 28:2. ‡ 2:8 Gray nda Isaya 11:4.

ghwadaka mndu ya, ɲa magayni ta inda mazəmzəmha, nda inda skwi ya ta ndrakawu lu nda ndrakawa, nda inda mandərmimi ɲa nana§ mnduha.

¹⁰ Dza'a magay ta inda ghwadaka skwiha ɲa nanaghatá gwal ta zadá ghəɲa taɲ, kabga kwalaghuta taɲ ta tsu'afta, dɔvaf a həɲ ta kahwathwata má dza'a mbanaftá həɲ ya wa.

¹¹ Tsaya kəl Lazglafta ka ghunagatá mbrakwa zadaku ta ghəɲa taɲ ɲa zlglafta taɲ ta tsakalawi,

¹² kada tsanaghata Lazglafta ta guma ta inda tsa gwal ta kwalaghuta zlglaftá kahwathwata, zdəgana maga ghwadaka skwi ta həɲ ya.

Nzaku ka mnda zlglafta nda ɲuduf nda diha

¹³ Aɲni, nda ra ka rfay ɲni ta Lazglafta ta ghəɲa kaghuni zwanama. Dɔvudɔva Mgham Yesu ta kaghuni kabga Lazglafta ta zbaptá kaghuni daga ta taɲtaɲ, ɲa mbaghunafta nda ma slna Sulkum, ka faghutá kaghuni nda ghuḁa, ma zlglafta ghuni nda ɲudufa ghuni ta tsa kahwathwata ya.

¹⁴ ɲa tsaya kəl tsi ka hgaftá kaghuni nda ma Lfida Gwada ya mnaghuna ɲni, ɲa mutsafta ghuni guli ta glakwa hga Mghama mu Yesu Kristi.

¹⁵ Tsaya tama zwanama da ná, dihavawa diha, ka ɲanata kuni ta inda tsa skwiha taghaghunaf ɲni ya, dər ya mnaghuna lu nda mna, dər ya vindaghunafta lu nda vinda a tsi.

¹⁶ Ta maga du'a yu da Mghama mu Yesu Kristi tsatsi ka ghəɲani, nda ya da Da mu Lazglafta ya ta dɔvutá amu, ya ta zdəntá hudí ka ləamatá ɲuduf ɲa kdekedzen, nda skwi faf mu ta ghəɲ tida.

¹⁷ Ka lɔaghunatá tsi ta ɲuduf, ka vlaghunatá tsi ta mbrakwa gdata ta maga skwi dinadina ma slna nda ya ma gwada.

3

Magawa du'a ta ghəŋa aŋni

¹ Skwi ya ta pɔaku tama zwanama da, magawa du'a ta ghəŋa aŋni, kada dza'a gwada Mgham Yesu ta kəma ta kəma misimmisim, nda ya ɲa ghubaray mnduha manda ya ta magaku da kaghuni ya.

² Magawa du'a guli ta ghəŋa aŋni ɲa katanatani da mnduha ta sidi, kabga inda mndu a ta tsu'a na gwada ta mnə ɲni na wa.

³ Mgham Yesu ná, vərda mndu ya, dza'a mbraghunafmbra, ɲa nghayni ta kaghuni da halaway*.

⁴ Wya skwi graf ɲni ta ghəŋa kaghuni ma ndi'atá vgha ɲni nda Mgham Yesu: Ta ɲanaɲa kuni ta hidaku ya ta vlaghunata ɲni, nda gdata ta gdata kuni ta magay nda ya dza'a kuni magay manda tsaya.

⁵ Ka maraghunamara Mgham Yesu ta tvi ɲa dɔvuta ghuni ta Lazglafta, nda ya ɲa hbay ghuni ta ɲuduf manda ɲa Kristi.

Maga slna manda va ɲa Pwal

⁶ Zwanama da, ma hga Mghama mu Yesu Kristi ta mna ɲni ta na gwada na ɲa ghuni, tsaghwa vgha tavata mnda zlghay nda ɲuduf ta yadi, kul had ta maga skwi taghaghunaf ɲni.

* **3:3** Gray nda Mata 6:13, Yuhwana 17:15.

⁷ Kaghuni, nda sna kaghuni ta skwi ña magay, ña ksay ghuni ta sada ñni. Ma nzakwa ñni da kaghuni ná, nza a ñni ka gwal ta yađi wa.

⁸ Zañ a ñni ta skwa zaya mndu ka mbalay wa. Añni ka ghəña ñni ta slavapta nda rvidik tani, nda fitik tani ka maga slna ña zay ñni, kabga va a ñni ta ghuyaghunaptá ðañwa† ta ghəña skwa zay ñni wa.

⁹ Nza a vəl magay ñni mantsa ya kazlay, ra a ka mutsay ñni ta skwi da kaghuni wu kə'a wa. Nda nza tsa slna magə ñni ya ña tagha skwi ña ghuni.

¹⁰ Ma tsa fitika nzakwa ñni da kaghuni ya ná, wya ka ñni si ta mnaghunata: «Ka va a mndu ta maga slna ya wu ná, ma vlañ kuni ta skwa zay guli,» ka ñni.

¹¹ Tsa nzakwani ya, snañnaghasna kazlay mamu sanlaha ta yađi mataba ghuni, kul hađ ta maga slna kə'a. Ta ghəña valu da kiwa ghatalakw yeya skwi ta magə həñ.

¹² Skwi ta mnə ñni ña tsa mnduha ya, nda hga Mgham Yesu Kristi na: Magawamaga ta slna nda tvani, ka mutsa kaghuni ka ghəña ghuni ta skwi ña zay ghuni, ka ñni.

¹³ Kaghuni ya zwanama ná, ma hərfaku kuni ta maga skwi đina.

¹⁴ Ka hađ yu ta sna tsa gwada vindaf lu ya wu, ka mndu katsi, mnanañwa mnduha demdem, ka dgaghuta kuni ta vgha nda tsi, ña ksafatani ka hula.

¹⁵ Nziya nza tsi, yaha kuni da klaftá həñ ka ghuma ghuni. Zlahawazlaha nda tvani, kabga zwanama ghuni ya.

† **3:8** Gray nda Slna gwal ghunay 20:34, 1 Tesalunik 2:9.

¹⁶ Ka vlaghunavla Mgham Yesu tsatsi ka ghəṅani ta vla zɔaku ya, ta zɔaku dər ta wati luwa tsi. Ka nza Mgham Yesu kawadaga nda kaghuni demdem.

¹⁷ I'i Pwal ta vindaghunafta nda dzva ɗa, ta ga zgu yu ɲa ghuni. Tsaya thatá dzva ɗa ta inda ɗelewerha ta vindafta yu. Mantsa ya ta vinda yu.

¹⁸ Ka nza zɔakatahuda Mghama mu Yesu Kristi kawadaga nda kaghuni demdem!

Deftera Lfida Dzratawi New Testament in Hdi

copyright © 2013 Wycliffe Bible Translators, Inc.

Language: Hdi

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Hdi

© 2013, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files
dated 29 Jan 2022

f257b780-c0dd-5cce-9b20-430484439898